



5975 18

Broj: 06-11-9665/23-5 Lot 2-1
Ilidža, 06.05.2024. godine

Na osnovu člana 70. Zakona o javnim nabavkama, («Službeni glasnik BiH» broj 39/14 i 59/22), Rješenja URŽ-a, broj JN2-03-07-1-797-10/24 i preporuke Komisije za javne nabavke, općinski načelnik donosi:

O D L U K U O IZBORU NAJPOVOLJNIJEG PONUĐAČA ZA JN 130/23 – Lot 2

I

Ponuda ponuđača **TESTINGELEKTRO d.o.o. Sarajevo, Mali Kiseljak 18, Ilidža** u iznosu od **64.800,00 KM** bez PDV-a, proglašava se najpovoljnijom, za **JN 130/23 Izvođenje radova na vodovodnoj i kanalizacionoj mreži i javnoj rasvjeti za SRC Butmir - Lot 2 Izvođenje radova na izgradnji javne rasvjete za SRC Butmir.**

II

Ponuđač TESTINGELEKTRO d.o.o., obavezan je u roku od 7 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

O b r a z l o ž e n j e

Na osnovu odluke o pokretanju postupka broj 06-11-9665/23-1 i obavještenja o nabavci broj 888-888-1-3-1-3-2/24 od 03.01.2024.godine, pokrenut je otvoreni postupak nabavke za **JN 130/23 Izvođenje radova na vodovodnoj i kanalizacionoj mreži i javnoj rasvjeti za SRC Butmir - Lot 2 Izvođenje radova na izgradnji javne rasvjete za SRC Butmir.**

Ponude su blagovremeno dostavili NEXEN d.o.o, Kozarska 61b, Banja Luka, Konzorcij SES d.o.o, Bačići 11, Sarajevo i DEMA&S d.o.o, Vrapčići bb, Mostar, TESTINGELEKTRO d.o.o, Mali Kiseljak 18, Ilidža i Konzorcij DINALSA d.o.o, Huseina Đoze 3, Ilidža i MAHER d.o.o, M. ef. Pandže 61, Sarajevo. Nakon provedene e-aukcije ugovorni organ je donio Odluku o izboru najpovoljnijeg ponuđača broj 06-11-9665/23-3 Lot 2 protiv koje je NEXEN doo uložio žalbu. Ured za razmatranje žalbi je rješenjem broj JN2-03-07-1-797-10/24 djelimično usvojio žalbu, poništio Odluku o izboru te postupak vratio ugovornom organu na ponovno odlučivanje.

Prilikom ponovne analize ponuda postupajući po uputama URŽ-a utvrđeno je sljedeće:

Ponuda ponuđača Konzorcij SES d.o.o, Bačići 11, Sarajevo i DEMA&S d.o.o, Vrapčići bb, Mostar se odbacuje jer ista nije u skladu sa Tenderskom dokumentacijom. Imenovani ponuđač je za stavku 5. Obrasca za cijenu ponude, dostavio traženu katalošku dokumentaciju u kojoj nedostaje podatak o vremenskom trajanju garancije za reflektorsku svjetiljku koju nudi. Na taj način nije dokazao da je garancija ponuđača za svjetiljku koju nudi minimalno 5 godina kako je traženo Tenderskom dokumentacijom.



Ponuda ponuđača Konzorcij DINALSA d.o.o, Huseina Đoze 3, Ilidža i MAHER d.o.o, M. ef. Pandže 61, Sarajevo se odbacuje jer ista nije potpuna i neispunjava uslove iz Tenderske dokumentacije. Ugovorni organ je za stavke 5. i 6. Tenderske dokumentacije između ostalog propisao sljedeće: *Potrebno je priložiti originalne kataloške podatke proizvođača uz obavezan prijevod na B/H/S jezik, kojima se dokazuje zadovoljavanje navedenih tehničkih karakteristika. Kataloški podaci ne smiju biti izdati od strane uvoznika, distributera i sl.* Imenovani ponuđač je propustio da za stavke 5. i 6. Obrasca za cijenu ponude dostavi traženu katalošku dokumentaciju te se njegova ponuda iz tog razloga odbacuje.

Postupajući po uputama iz Rješenja Ureda za razmatranje žalbi, Komisija za javne nabavke je u skladu sa čl. 68 stav (3) a u smislu člana 54 stav (3) ZJN, zatražila od ponuđača Testingelektro d.o.o. da pojasni dokumente koji se odnose na priloženi Tehnički list kućišta reflektora. Imenovani ponuđač je dostavio od proizvođača Luminos d.o.o. Sarajevo akt broj 031/2024 od 26.04.2024. u kojem je navedeno da je model reflektora izrađen od nekorozivnog alumijuma koji se dobija procesom lijevanja, premazano poliesterskim prahom. Na osnovu analize dostavljenog akta, Komisija je utvrdila da podaci i karakteristike kućišta reflektora u pogledu materijala odgovaraju zahtjevanom u tehničkoj specifikaciji tenderske dokumentacije.


Obzirom da je za ovu javnu nabavku predviđeno provođenje e-aukcije ugovorni organ je istu zakazao za 03.05.2024.godine. Nakon provedene e-aukcije, a na osnovu kriterija "najniža cijena," Komisija za javne nabavke utvrdila je konačnu rang listu ponuđača kako slijedi:

1. TESTINGELEKTRO d.o.o, čija cijena ponude bez PDV –a iznosi 64.800,00 KM
2. NEXEN d.o.o, čija cijena ponude bez PDV –a iznosi 64.890,00 KM

Imajući u vidu navedeno, Komisija je predložila Općinskom načelniku donošenje odluke o izboru ponude TESTINGELEKTRO d.o.o kao najpovoljnije, te je odlučeno kao u dispozitivu

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur, /magistar uprave

DOSTAVLJENO

1. Ponuđačima
2. Služba za komunalne poslove i infrastrukturu
3. Kabinet Općinskog načelnika
4. Služba za zajedničke poslove (za objavu na WEB)
5. a/a

Izradio Almedin M.

Kontrolisao Benjamin M.

